

巧聯 妙對

鄭嘉善編著

星光出版社／出版

妙聯

世事讓三分，天寬地闊

心田留一點，子種孫耕

巧對

移椅依桐同玩月 點燈登閣各攻書



巧聯對 妙筆

鄭嘉善編著

星光出版社／出版

妙聯

世事讓三分，天寬地闊
心田留一點，子種孫耕

妙對

移椅依桐同玩月 點燈登閣各攻書



國家圖書館出版品預行編目資料

巧聯妙對 / 鄭嘉善編著；-- 第二版.-- 臺

北市：星光，2002〔民91〕

面：公分。（文學叢書：11）

ISBN 957-677-500-0（平裝）

1. 楹聯、壽文等

856.6

91021969

文學叢書 11

巧聯妙對

編著者——鄭嘉善

編校——呂佳真

發行人——林一波

出版者——星光出版社

臺北市寧波西街116號

電話：2303-4812 傳真：2309-8411

郵政劃撥：0014243-1號 星光出版社帳戶

e-mail 信箱：sk.book@msa.hinet.net

博客來網路書店網址：http://www.books.com.tw/

經銷商——寶騰發賣股份有限公司

台北縣永和市永和路一段69號8樓

電話：2231-3503

法律顧問——明理法律事務所 陳金泉律師

臺北市重慶南路三段57號4樓

電話：2368-6599

行政院新聞局登記證：局版臺業字第零壹陸玖號

二〇〇二年十二月第二版第一刷

定價：200元

◎若有缺頁或破損，請寄回本社更換◎

ISBN：957-677-500-0

巧聯 關帝廟聯 佚名

劉為兄，張為弟，兄弟間分君分臣，異姓結成親骨肉。
吳是仇，魏是恨，仇恨中有仁有義，單刀獨輔漢江山。

妙對 解縉

天作棋盤星作子，誰敢動手。
地是琵琶路是弦，那個能彈。

解縉，明江西吉水人，字大紳，幼聰慧，出口成文，有才子之稱。洪武進士，累官翰林學士，甚得當朝親重，後以贊議建儲事，為漢王所忌。帝亦寵信漸衰，卒於獄中。相傳解一日退朝悠閒在朝房中，一太監欺其年幼，出句囑答，即為解所對成之妙對。

巧聯 佚名

一水飲人分冷暖，
眾花經雨各安危。



此聯有世態炎涼，各有攸歸之寓意。

妙對 佚名

天上月圓，人間月半，月月月圓逢月半。
今夕年尾，明朝年頭，年年年尾接年頭。

此對字面工穩整齊。

巧聯 北平廣和樓戲台聯 佚名

凡天下事，作如是觀。
是局中人，走那裏去。

妙對 佚名

孤山獨廟一將軍，單槍匹馬。
隔江對岸兩漁翁，並釣雙竿。

此為一恰巧之數字對。

巧聯 王守仁

赤手挽銀河，君自大名垂宇宙。

青山埋白骨，我從何處弔英魂。

王守仁，明餘姚人，字伯安，學者稱為陽明先生。弘治進士，正德初，以論救言官戴銑等，忤劉瑾，謫貴州龍場驛丞，後移廬陵知縣，歷官至右僉都御史，巡撫南贛，平漳南大帽山諸賊，定宸濠之亂，旋陞南京兵部尚書，封新建伯，卒諡文成，晚年專提致良知之說，世稱姚江學派，有《王文成全書》。此為王弔于謙聯，于係杭州人，因作石灰詩聞名於世。

妙對 佚名

除夕生兒，娘未三朝兒二歲。

婚前納妾，妻猶獨宿妾雙棲。

巧聯 香港圓山學院門聯 佚名

入此山來，同登聖域。



出斯門去，共上賢關。

妙對 佚名

才子佳人，世間兩美。

牛郎織女，天上雙星。

此對字面美觀、工穩整齊。

巧聯 虎丘百花娘子廟聯 佚名

一百八記鐘聲，喚起萬家春夢。

二十四番風信，吹香七里山塘。

江蘇吳縣西北，有虎丘山，亦名海湧山，山不甚高，而風景清幽，為吳中名勝。建有虎丘塔，附近有花神廟，供奉百花娘子。此係正門聯，為名勝聯中，工整典雅之佳作。

妙對 佚名

白蛇渡河，頭頂一輪紅日。

烏龍掛壁，身披萬點金星。

相傳為一才女所出徵婚之上聯。用茶油、燈心草、作夜間照明用之燈盞為題。結果為一屠戶用壁上掛秤之狀應徵，此對天衣無縫，果奪魁而結為夫妻，傳為佳話。

巧聯 揚州天寧寺彌勒佛龕所懸之聯 佚名

大腹能容，容天下難容之事。

慈顏常笑，笑世間可笑之人。

據佛經載，彌勒過去曾為王，慈育國人，故塑像皆笑口常開。

巧聯 南京湖南會館聯 彭玉麟

投館復如歸，與君盡是江南客。

逢春猶在外，何人不起故國情。



彭玉麟，清衡陽人，字雪琴。性剛介，能詩，喜畫梅。咸豐初，太平軍興，從曾國藩轉戰沿江各省。克武漢九江，收安慶江寧，戰功甚偉。小孤山一役，尤著威名，事平，奉命辦理長江水師事宜，官至兵部尚書，卒於光緒年間。

巧聯 九江琵琶亭聯 佚名

聚散總前緣，最相宜明月一船，清風兩岸。
古今幾名士，合共唱大江東去，秋雁南飛。

妙對 佚名

澄海姑娘，腳踏香山，手捧蓮花朝南海。
雲霄公子，頭頂金門，身隨鼓浪上東山。

此為恰好之地名對，前句屬廣東省，後句屬福建省，均係沿海地區之地名。

巧聯 丘逢甲

宰相有權能割地，

孤臣無力可回天。

丘逢甲，別字仙根，筆名倉海，廣東鎮平人。民前四十八年至民國元年，得年四十九歲。生於台灣苗栗，在福州應戊子鄉試中舉人，赴京會試獲己丑進士，主講台衡文書院、台南府羅山書院、嘉義縣崇文學院，清廷割讓台灣時，倡議獨立，組台灣民主國，任副總統兼大將軍，失敗後，返粵任韓山書院山長，在汕頭立嶺東同文學堂，任總理，在廣州任廣東諮議局議長，辛亥廣東光復，任教育司司長，兼派為都督府代表，民國成立，任臨時參議院議員，以病逝於家鄉。李鴻章為清代大臣，代表清廷與日和談，自訂煙台割地條約，丘撰此聯諷之。

妙對 佚名

尹公佗，拖孟姜女之女，入張子房之房，非奸即盜。

閔子騫，牽冉伯牛之牛，耕鄭子產之產，為富不仁。

此為人名疊對。



巧聯 濟南大明湖歷下亭聯 佚名

勝境畫圖開，憶杜老當年，豪氣縱橫傾北海。
酒痕襟袖滿，自杭州至此，風光明媚似西湖。

妙對 佚名

櫓速不如帆快，
笛清那比簫和。

此為諧音之人名對，指的是魯肅、樊噲、狄青、蕭何。

巧聯 揚州瘦西湖平山堂聯 佚名

曉起憑欄，六代青山都到眼。
晚來把酒，二分明月正當頭。

妙對 佚名

中國捷克日本，

南京重慶成都。

抗日戰爭勝利，政府還都南京。字面與含義都很恰當之對。

巧聯 黃鶴樓聯 彭玉麟

心遠天地寬，把酒憑欄，聽玉笛梅花，此時落否？
我辭江漢去，推窗寄慨，問仙人黃鶴，何日歸來？

妙對 林大欽

白水滌灘頭，白屋白雞啼白晝。
黃泥壟村裏，黃家黃犬吠黃昏。

白水滌與黃泥壟，為閩西汀江沿岸之農村。相傳潮州狀元林大欽乘船經過其地時，成此妙對。

巧聯 李鴻章

師事近三十年，薪盡火傳，築室忝為門生長。



威名震九萬里，內安外攘，曠時難逢天下才。

李鴻章，清合肥人，字少荃。道光進士，咸豐間，洪楊事起，統領淮揚水師，同治初，駐師上海。升江蘇巡撫，歷督直隸、湖廣。為人英斷有遠識，明達時務。甲午之役、馬關條約、庚子之役、聯軍北京條約，皆其手訂。官至太子太傅，封肅毅伯，諡文忠。此係輓曾國藩聯。

妙對 佚名

白面書生，袖裏暗藏春色。

黃堂太守，眼中明察秋毫。

相傳清代某書院學生折花一枝。見知府至，急藏之袖中，知府出句試之，生即成此對。

巧聯 胡適

吃肉，過橋。罵中醫，人老心不老。

喝酒，寫字。說官話，知難行亦難。



胡適，原名洪驊，字適之，安徽績溪人，民前二十一年至民國五十一年，享年七十二歲。美國哥倫比亞大學哲學博士，英、美各大學贈送博士學位三十五。任國立北京大學教授，發表〈文學改良芻議〉，提倡文學改革。嗣任中國公學校長、北京大學文學院院長、國立北京大學校長。抗戰時，任駐美大使，選任制憲及行憲國民大會代表。中央研究院院士、中央研究院院長。此聯係胡撰贈其好友高夢旦者。

巧聯 陳銘樞

雪散天女花，超離苦海。

芬灑甘露水，普濟眾生。

陳銘樞，字真如，廣東合浦人，民前二十二年至民國五十四年，享年七十六歲。保定陸軍軍官學校畢業。初隸粵軍第一師，以功升任第十師師長，參與討陳及北伐各役，升任十一軍軍長兼武漢衛戍司令，嗣任總司令部政治部副主任、廣東省政府主席、京滬衛戍司令長官、行政院副院長兼交通部長，以所部參與一二八淞滬之役，卓著功績。此聯為陳書贈藝人袁雪芬之嵌字聯。



巧聯 新竹竹東關帝廟聯 白崇禧

山別東西，前夫子後夫子。

聖分文武，著春秋讀春秋。

白崇禧，字健生，廣西桂林人，生於民前十八年，保定軍校三期卒業。

十三年加入國民黨，親赴廣州，晉謁國父，受命為廣西討賊軍參謀長，驅除陸榮廷、沈鴻英部。北伐，奉蔣總司令命為參謀長，襄贊戎機，連下湘鄂閩贛數省，擊潰吳佩孚、孫傳芳全部。北伐成功，復回廣西，倡導「三自三寓」政策，使廣西有模範省之譽。抗戰軍興，任軍委會副總參謀長，每遇重大戰役，輒赴戰地督師，尤以崑崙關一役消滅日軍精銳，戰績蜚聲。抗戰勝利，任國防部長。「二二八」事變，奉命來台處理。政府遷台，任戰略會副主任，年七十三，卒於台灣。

妙對 解縉

妓女吹簫，枯竹節邊生玉筍。

佳人撐傘，新荷葉底露金蓮。

此為解幼年對友人之妙對。

巧聯 成都薛濤井聯 佚名

古井冷斜陽，問幾樹枇杷，何處是校書門巷。
大江橫曲檻，看一樓煙月，要平分工部草堂。

薛濤井近杜工部草堂。

妙對 楊一清

凍雨洒窗，東二點西三點。

切瓜分片，上七刀下八刀。

楊一清，明安寧人，徙巴陵，字應寧。成化進士，遷山西按察僉事，以副使督學陝西。在陝八年，以其暇究邊事甚悉。與張永謀誅劉瑾，三為陝西三邊總制，累陞至太子太師，特進左柱國，華蓋殿大學士。後被張璁等所構，落職，疽發背死，追諡文襄。一清博學善權變，尤曉暢邊事，羽書旁午，一夕占十疏，悉中機宜。其才一時無兩，或比之姚崇。相傳此為其八歲時應帝召試，答對而成。



妙對 佚名

竹筍穿泥，一節雖高一節。

梅花遜雪，三分祇是三分。

相傳一鄉秀才，中秋節送上司禮，一律三分，某府太爺出上句囑對，該秀才應對而成。

巧聯 曾國藩

一飯尚銘恩，況襁褓提攜，祇少懷胎十月。

千金難報德，論人情物理，也當淚血三年。

曾國藩，清湘鄉人，字伯涵，號滌生。道光進士，咸豐初，累擢吏部侍郎，丁憂歸。會太平軍勢盛，奉朝命在籍編練鄉勇，清兵屢敗，奉命督率所部，收復武漢及沿江各地，同治三年，克復金陵，太平軍滅，授英武大學士，調直隸總督，不久復任兩江總督，卒於官，著有《曾文正全集》。此聯為曾撰輓其乳母之聯。